


3 1761 00398736 9



UNIVERSITY OF TORONTO

PN
45
Z5





خطا صواب

| طوغری: | یا ککش: | صحیفه |
|--------------------|------------------|-------|
| حقوق ناشناس استادى | حقوق شناس استادى | ۴۷ |
| عربلر | عربلرک | ۴۸ |
| مقالاتی | مقاولاتی | ۴۸ |



ملل مترقیه سی اره لرنده یتشان اصحاب کمال واقتصادارک
آنارندن استفاضیه چالشیرز.

نته کم اوائله عربلر، یونانیلردن واوروپا ایسه هم
یوناندن، هم عربدن اخذ معلومات وتوسیع دائره معرفته
چالشمشدر. بو طریق مترقیانه یتکیم بزم ایچون ده قابلدرد.
ناجی افندینک (مکتوبلرمی) او قورکن کوزل بر
مطالعه لرینه تصادف ایتدم دیورلرکه: «... ذاتاً اهل اسلام
هر نروده بر حکمت کوررسه انی غائبی بولمشجه سته حسن
تلقی ایله مأمور دکلیدر؟

حکیمانه حرکت، هر هانکی ملتده، هر هانکی قومده
کوزل بر شی کوریلورسه آنی محاسن ملیه مزه الحاقه
مسارعتدر» بومطالعه سائرلرینه عبرت ویرسه کرکدر.
نه حال ایسه جداً کوزل وطبیعتیه موافق اثرلریازمغه
باشلیهلم بلکه ملل متمدنه سائرهنک ارتقا ایلدیکی درجته واصل
اولقله اکتساب مزیت ایتمش اولورز!

ابدیتہ ندیم اولہرق کیتشدر چونکہ (ایلیادا) سی ہیپ
(مردلک) محسوساتیدر .

یوگ اسکندر، آسیا محاربائی انکہہ اگال ایتشدر ! .
(اشیل) نام شاعرک آثار شعریہ سی — مدافعہ وطن
ایدرکن — آتنہ لیلرلہ بر صفدہ سویلنمشدر ! .

ایتالیالی (دانت)، الک کوزل اثرلرینی — وطنی اولان —
فلورانس دشنیدن استردادی اٹناسندہ یازمشدر .

شمعی انصاف ایدہلم، برطریق ترقی آرایہلم :
ادبیاتک معلوم اولان تعریفندن دخی اکلاشیلہ بیلورکہ
حسیات عثمانیہ مزى لایقلہ تصویرہ مساعد بر لسان ادبک
احیا و تمجیدینہ اولان احتیاجمز، طبعی ینہ الک مشہور ارباب
قلک آثارینہ مراجعتلہ برطرف ایدیلہ جکدر .

بوہمتی، عصر حاضر معارفپروراندن بکلرز.
یاخود زمانہ مراجعت ایدرز . زمان ایسہ کمالری،
اکرملری، حامدلری، ناجیلری [*] کافی کورمیوب دہا
مقتدرلرینک یتشمسنہ خدمت ایدر .

اکر بو صورتلہدہ تأمین موفقیت ایدیلہ مزسہ اوروپا

[*] ومعارف ادبیہ مزک اقسام سائرہ سنہ خادم سعد اللہ پاشا،
ابو الضیا توفیق بک، حمید وہبی بک، سزایی بک افندیلری

ایشته کوریورز که ادبیاتک حیاته اولان تأثیر
و خدمتی پک آشکاردر.

بناءً علیه ادبیاتی هیئت ملیتزه ترجمان اوله جق بر
طرز صحیحه ارجاع ایتلیر . .

او صورتده که بر ادیمزك آثار شعریه سنی مطالعه
ایده جك اولان غریبون، بزم عثمانلی اولدیمیزی تفریقده
هیچ بر مشکلاته تصادف ایتسون . .

بر شاعر کبی - سوزلرم عینیه بن ایم، امت دخی
شعرمدر - دیملیز چونکه شعر، لسان حسدر دینیور.

.....

.....

بوراده اسلافی مواخذهیه (حق) من اولمامش اولسه
بیله بویله سوزلر بیجادکلدر صانیرم؛ زیرا بونلری سویلکدن
مقصدم اسلاف، اوילה حرکت ایتشمسه بز باری بشقه بر
یولده حرکت ایتلیر دیمکدر.

کندیلرینه عرض احترامدن کیر و طور ماملیر . . لکن
بزه ادبیات صحیحه لازمدر.

باقکر، هومر ایکی بیک سنه اقدم دنیایه کلشکن

مناجات و تضرعاتمز هې بولسان ايله مقارن بارگاه
الوهيت اولور .

نه درجه اعتماد ايتشم كه اك كوزل سوزلر، فكرلر، ينه
بولسان ايله تبليغ اولنور مثال اوله رق دكل . . . يوكسك
برتوجيهي حائر اولان شوسوزلري ده سورم :

« بو يرده مغرب اولمش، اوچهره حشمت ! »

« بو يرده منكسف اولمش، اونير شوكت ! »

« شو كائنات و كمالاته باق نه هيئتده . . . »

« مزار شكلنه كيرمش سمايه . . . صد حيرت ! »

« بوقبه، تره سلطان سليم اولدر ؛ »

« بو تره، قبله عثمانياندر اي امت ! »

بونلر، چالديران صحراسنده احراز غلبات ايدن مصر
فاتحي سليم اول حضر تلي نامنه اوقونان برخطبه مرثيه
آميزدر .

علويت لسانه واقف اولميان بو « سليميه » بي نهايته
قدر اوقوسون، امينم كه شو بيتي اوقومقله تصحيح فكر
و اعتقاد ايلر :

« النده مشعله علويه توحيد »

« ايدردى شرق ايله غربى ضياسنه دعوت »

نتیجه:

بر خیلی مطالعات عرضندن صکره کتابمژک شو نتیجه
قسمته ده کلدک . بوصوک سوزلرم ینه ادبیاته عائد اوله جقدر .
بو کتابی تنزلاً نظر مطالعه سینه الهحق ارباب دفته
خفی دکلدر که کلال وملاله اوغرایان فکر مزدن بوراده
بر فریاده مجبور اولدق . . .

بوفریاد، هیئت عمومیه مزک ادباً بعض نقایصنی اخطار
و افهام ایچون مجموعه من صحیفه لرنده تکریر عکس صدا
ایدوب طوره جقدر . .

بر کتاب — جائزه — بر قبه یه ده تشبیه اولنه بیلور :
قبه ایچنده صدا عکس لری باعث صداع اولماق ایچون اکثر
بالاسندن سمایه قارشى بر منفس کشاد ایدیلور . . ایشه الزم
اولاتی ده بودر . .

اوت ! معارف عمومیه نک بزده، بوصمک ترقیسنه پک
زیاده اعتنا اولمیلدر . تدنسی نقایصدر !

معلومدر که بر قومک منظومه فتوحاتی لسان ادبیاتی
ایله تصویر ایدیلور ادبیاتک تأثیر معنویسنه بیوک عالمدر
مغلوب اولمشدر !

لسانیه تلافی مافاة اوله جق یازدقلری آتارک انلردن زیاده
 بزده دخی لزوم وفائده سی حس اولنمشدر .
 بنده کزجه مجدد، (سید القوم خادمهم) حکمتنه توفیقاً
 ملتنه اک زیاده خدمت ایدنیدر .

واقعا ادبای حاضره من میاننده مجدد نامیله یاد اولنه .
 بیله جک بر قاج ذات واردر :
 بری تدوین قواعد ادبیه بذل مساعی ایدوب افکار
 شبابی بر بشقه لسان ایله (تعلیم)ه جالیشیور .

دیگری ایسه نظردقتی، تاریخک، جمعیتک قرانلقلرینه
 شماک آیدنلقلرینه، دریانک درینلکلرینه تنفیذ ایدرک بر
 طاقم حقیقتلر، معرفتار کشف ایدیور . .
 اوحقیقتلر، میداننه بر طارق، بر ابن الموسی، بر اشبر،
 بر سفیله چیقاریور .

.....

(بوفون) دهایی صبر دیه تعریف ایتمشدر؛ بزده صبر
 ایدرز .

هوغو کیمدر دنیلورسه بر محبتک تعریفنی اوقویهلم :
 « او، فرانسه بلده دلاراسنه شارلمان کبی النده یکی بر
 عالم، شمععه لی بر کره طوته رق کلش وانوار افکارندن بر
 جهان معرفت حالا استفاضه ایتمکده بولمشدر »

شمدی صره بزم ادبیات عثمانیه مزه کلدی ا فقط نه
 بولده بیان افکار ایتلیدر، هانکی آثار ادبیه مزدن بحث
 ایتلیدر بیله میورم ! ...

انکار اولنه مز، بعض ادیبلر مز، شیوه لسانی بر طرز
 صحیحه ارجاع املیه مشوقانه خیلی همترده بولندیلر ؛
 لکن رهبر استر شاد اوله جق بر اثر عرض ایده مدکلر یچون
 تقایص ایچنده ابقای نامه چالشمشدر ...

مجددک اوله می اولور ؟

بو حالده رشید و عاکف پاشالری تجدید لسان
 خصوصنده اوادیبلره تقدیم ایتما من لازمکلور .
 زیرا رشید پاشا ساده یازمنی اوراق سیاسیه ورسمیه
 حقنده ده مناسب کورمشدر .

فرانسه ده رومانیکلر مجدد دیرلر . چونکه احتیاجات

و فوائدله برابر شو صوك عصرى اوج كاله چيقاردى.
 لکن شعره، . . . عائد حسیات؛ تنقیده تاریخنه راجع
 فضائل او اوج ادیبك برنجیسی اولان هوغو معرفتیه ترقی
 ایتمشدر. اثبات ایدم:

رومانیتزمی [*] مسلکی ندر؟

هوغو ورفقاسی طرفندن آچیلان بومکتبک مقصدی
 افکار عتیقه اصحابی روحه کشایش ویره جک لطیف،
 بدیع، پارلاق اثرلر یازمغه دعوت ایتمکدی.
 فی الحقیقه هوغو بو آمالنه تمامیه موفق اولدی...
 مکتبی ترقی ایتدی. غربک افکار ادبی او مکتبک
 شاگردی ویا سرمایه افتخاری عد اولندی...
 بو سبیلره مبنیدرکه او معلم ایچون - وفاتنده - هر
 او قومق بیلان شاعره آغلار دینمشدر!
 فرانسه قومنه مخصوص - شعرده بر آهنگ - موجدی
 هوغودر.

[*] فرانسهک قدماى ادبى طرفندن محافظه اولنان اصول
 انشا و تحریرى ترك ویا اصلاح ایتکله یکی بر اصول انخاذاى
 مقصدینى معرفدر. بو مسلکه مغایر حرکت ایدنلره فلاسیک
 ورومانسک مؤلفی، ادبی دینور.

بوعصر، او ذات کمالات پرورک حیاتیله ابتدا ایدوب
انتها بولیور.

گاه مستهزی کورینهرك حقیقی ریب وشبهیه و گاه
فضیلتی سیئاته مزج ایله ادبیات وفلسفای احیایه موفق
اولان وولتر، پک بیوک برحکیمدر.

اون سکزنجی عصرک مجسم برهیکل ذکاسی وولتردر.
ادبیات اجنبیه پی یعنی شکیری، قالدرونی فرانسهیه
عرض ایدن اک برنجی وولتر اولدینی کبی فرانسه افکار
ادبیه سنی - ایکنجی فره دریق و قاترینا ایله اولان مناسباتی
سایه سنده - اجانبه نشر و تعمیم ایلان ینه او ذاتدر.

واقعا وولتر کبی دهها برقاج دهاتک نامی یاد ایدیه.
بیلور. از جمله موتسکیو، روسو، دیده رو، بومارشه.

خصوصیله برناردن (دوسن پیئر) و (اندره شنیه) لری ده
ذکر ایده بیلورز.

فقط شوزمانه دکین فرانسه، دهها اوچ بیوک ذات ایله ده
افتخار ایلوردی:

هوغو، لامارتین، موسه.

ایتالیاده باشلیان دور تجدد، ریشلیو واون دردنجی
لوتی دورلریله وولتر مسلكندن استحصال اولنان نتایج،

لسانمزه بو ذواتك آثارندن اوفق تفك ترجمه‌لری
واردرد. دها کندیلرینی تقدیردن عاجز.

(راسین)ك شعری، (فنون)ك نثری شاعرانه و حکیمانه
مطالع فکریه‌دن معدوددر.

راسین، یشادینی اون دردنجی عصرک مجسم برهیکل
ذی کالیدر.

یا مولیر! ...

بو ذاتك شکیرله پك زیاده مناسباتی واردرد. هر
ایکینسك ده نظری اعماق وقایعه معطوف بولنیوردی.

(لوئی قاتورز) سرایی (مولیر) ایله (راسین)ك افکارینه
بر جولانگاه اولمشدی.

بونکله برابر یکدیگری کندی مسلکینی محافظه‌یه
جالیشردی. مثلاً:

مولیر، انسانی حکیمانه کولیدرر؛ راسین ایسه دوشونیدرر،
استغراق و حیرتله سوق ایدر.

غریب که مولیر قومیق بر مؤلف دیه اشتهار ایتمشکن
بعضلری طرفندن رفیقنه ترجیح ایدلمشدر.

فرانسه ادبیاتنك بشنجی دوری، وولترک وجودیله
افتخار ایدر؛ بو عصرده نه قدر آثار ترقی کوریلورسه مؤثری
وولتردر.

اك شمشعه ورونقبلي بر زمانى اولوب بو عصر ك مابه
الافتخارى ده اون دردنجى لوتى ايله ريشليودر .

چونكه بو قرال ايله باش و كيلنك اصحاب اقتدارى
حمايه ايدوب ترقيات مدنیه خيلى خدمت ايتدكلرى
كورلمشدر .

اواصحاب اقتدار ايسه ايتاليايه كلن ملتجىلر ك شاگردلرى
ايدى ايضاحاته لزوم كوردلى :

ايتالياده اودور نچده - استانبولك فتحى حسيبله -
عثمانلير سبب اولمشدر .

فاتح حضرتلى استانبولى فتح ايتامش اولسيدي
بلكه استفاضه علوم و فنونه اوروپا مشتاقان معرفتى بش
التى عصر صكره دعوت اولنوردى .

ايتاليا قومنه ابدى بر شرف قزانديران قسطنطينيه
مهاجر لريدر .

دينه بيلور كه فرانسه نك مشاهير شعرا و محررينى بو
صره ده يتشمشدر :

قورنين، ده قارت پاسقال، مادام دوسوينه، راسين،
مولير، بوالو، لافونتن، مالبرانئش، بوسونه، فلون،
ماسيون، لاروسفوقولد، لاروير الخ.

لسان ادبیزك تجدیدینه آرزو دارز . چونكه اسلاف
ادبائك تكلم ایتدیكى لسان، تجارب و معلومات اخیره منزی
ضبط و تحریره مساعد دكلدر
اجمالاً ترقیات ادبیه سنه دائر مطالعه بیان ایده جگمز
برفرانسه قالدی .

فرانسه نك ادوار ادبیه سنی بر دفعه محاكمه ایده لم :
برنجی دور - ده وقوعه کلان انقلاباتك فرانسه
معارفنه بك بیوك تأثیری طوقونمشدر .
بوشرف تمامیه شارلمانہ عائددر . احیا و تجدیدینه موفق
اولدینی تأسیساتدن طولایی برفرانسه قومی تربیه سی قارشو -
سنده حالا خجسته احترامدر .

ایکنجی دورك او آخرنندن او چنجی دورك بدایتنه
طوغری آثار کمالی اکتسابه چالیشان فرانسه، اون التجبی
عصرده ایتالیا ده ابتدا ایدن تجدیدن متنبه اولمشدر .
بودورلرده یتشان اک مشهور ارباب شعر و انشا
رابله، قالوهن، مونتن؛ مارو، روزار، رهنیه، مالرب کی
ذواتدر .

دردنجی دور - یاخود اون یدنجی عصر، فرانسه نك

سازممل مترقیه افرادی بر مباحثه اشناسنده ملتزین منسوب
اعظم واعالیدن بش اون ادیبك نامنی ذكر ایدر.

برانكلیز، اودواته مقابله شكسپیرك آثارندن علی الاطلاق
بر صحیفه آچوب: «بوانرك بریتی سرك اون ادیبكزه مرجحدر»
دیهرك مخاطبنی سكوته مجبور ایلر.

چونكه انكلیز، تواریح ادبیه پی محاكمه ایدوب كوریوركه
یونان، آلمان، فرانسه ادبیاتی - حائر اولدقلری مراتب
كمالاته - یوز ادیبك مساعی جدیدی سایه سنده واصل
اولمشدر انلك ایسه بر شكسپیری واردر.

بوراسنی ینه شرح ایدم:

فرانسه، ترقیات حاضره سنی هر عصرده یتشان برقاج
داهینك هم مشكوره سیله تأمین ایتمشدر. او یله داهیلر كه،
لسان عصریخی، تصویر حساباتنه ناكافی كورهرك بشقه
برطرز بیانده تألیف آثاره چالشمشدر.

شمعی اواثرلر، صاحب لرینك یشادینی زمانك براءت
ترقیاتی عد و اعتبار ایدیلور.

حتی فرانسه ده اون یدنجی عصری اون سكرنجی به
ترجیع ایدنلر واردر.

شاعرانه‌سی فوق العاده اولوب اقتدار ادیبانه‌سنه ادباً بر
حد تعیین ایتک خیلی مشکلدر.
حتی کوته بدایع قدرتدن خوشلانیر و آئی تاریخ مطا
لعه‌سندن زیاده سوردی. بوسومسی ده شاعرانه‌دکل برستش
درجه‌سنده ایدی.

آلمان ادبایی میاننده، ادیب مشهور و یقتور هوغویی
بحق تقدیر و مواخذه ایدن بوذاندر [*].
کوته، شوسوزیله‌ده: «ای قدرت آلمیه! زیر هیئتکده
انساندن غیری برشی دگم؛ سنی لایقیله تماشا ایده بیلک ایچون
پک چوق زمان یشامق لازمدر.» مقتون بدایع قدرت
اولدیغنی اعلان و اثبات ایدیور.

مع مافیه بوایکی بیوک شاعره خلف اوله‌رق بر خیلی
ارباب شعر و انشا یتشدیسه‌ده آلمانایی پیرانه ادبله متجمل
قیلان اولکیلردر. *

انکلیز ادبیاتنه دائر دور و دراز مطالعاته نه حاجت!
انکلیزلرک بر بیوک آدمی وارکه:

شکسپیردر!

بوذاتی، انکلتره کی جمعیتی بر خلق تقدیر ایدیور

[*] مرحوم فؤاد بک، هوغویی طایففسزین ترجمه‌هالی یازمشد!

دراماتورژی Dramaturgie نام فاجعات و لولا قوا و اقون
 LeLacoocon دیگر اثر هیکل تراش صاحبی که - فرانسنزلرک
 دیده رونه معادلدر - آلمان ادبیاتی حقیقه اعلايه و مع
 بودمر دخی رقبی (قوتشده) غلبه جالوب بو وجهله معارف
 ادبیه ملیه لرینی احیایه موفق اولمشلردر .

اون طقوزنجی عصرک یتشدیردیکی اعظم دبان
 شیللر، کوته ایسه آلمانیا نك ترقیات حاضره ادبیه سنك
 محیلری مقامندهدر .

شیللر، اوشاعر درکه روحی دائما هیئت کائناتدن، مناظر
 طبیعیه دن ذوق آیلردی .

انك نظرنده هر اثر، یا برغزل و یا بر فاجعه کبی تأثر
 بخشا ایدی .

ایشته قوجه ادیبك بو کون نظر ربای ارباب مطالعه اولان
 اصالت افکاری؛ طبیعت اشیا ایله ایتدیکی اشتغالاتك کوزل
 برنمره سیدر . شیللرک دها فضله برمزیت ادبیه سی وارسه
 اوده فرانسه افکار ادبی نزدنده مؤثر و ادبی بر نفوذ و اعتبار
 قزانمیسیدر .

معاصری شاعر مشهور (کوته) نك کذا طبیعت

آلمانلر، فرانسزجه تحصیلنه او قدر هوسکار ایدیلرکه لسان مذکورک سرعت تعمیمی ضمننده متعدد مکتبلر کشاد ایدوب حتی انلردن اک مشهوری (قونتشد) Gottsched نام ادیبک اداره سنده بولنان مکتب ایدی.

بوندن ماعدا وقوعه کلان اختلالات حسبیله پارسدن آلمانیه التجا ایدن ملتجیلر میاننده مادام (استائل) کبی ادیبه لر بولندی.

اثبته نه حاجت! بروقت آلمانیا ده اوراق رسمیه فرانسزجه تعاطی اولنوب حتی برلین شهرنده بر (اقاده می فرانسز) دخی تأسیس ایدلمشیدی.

پک جدی و صمیمی باشلیان بومناسبات و علائقی یدی سنه محارباتی تا اساسندن محو ایتمشدر.

ذاتاً آلمانلر دخی اجنبی مقلد لکندن خلاصیاب اوله - بیلک ایچون بر چاره آرامقده ایدیلر . نهایت ۱۶۹۸ و ۱۷۸۳ ده ارنحال ایدن (ژوریک) دار الفنونی معلملرندن (بودمر) آلپ جبالی اتکلرنده تشکیکنه موفق اولدینی جمعیه آلمان کنجلیرینی دعوت ایدرک تنویر افکار ادبه باشلادی .

افکار عمومیه معلم بو دمرك بو تشبث خیر خواهانه و حمیت پرورانه سنی تقدیراً دائماً معاونتده بولندی.

فرانسه نك معارف ادبيه سى كې هر قسم مترقيسنده
 همت وغيرتى مسلم بولنان (ريشليو) نك معاصريندن
 مشهور (قورنين) بر روماليدن فرق اولنه ميوردي .
 بناء عليه آئنده (پريقلس) عصرى، روماده (اوگوست)
 ايتالياده اونجى (لؤن) يا خود اقوام متأخره ييننده انتباه
 وفرانسه ده اون دردنجى (لوئى) عصرلى مآثر مدنيه نك
 ابتدا ايله انتها سى ديمكدر .

بك يقين وقتلره دكين آلمان ادبياتندن محروم ايكن
 شمديلرده (كوته) يه (شيللر) ه دائر بر فكر بيان ايد بيله جك
 عسكرى و ملكيه دن حمد اولسون خيلى ارباب قلمز والسنه
 شناسانمز يتشدى ويتشمكده بولنمشدر .

آلمانياده افكار ادبيه و فلسفيه اون سكرنجى عصر ك
 او آخري له اون طقوزنجى عصر ك اولياتنه طوغرى انتباه
 بولوب انكلترده ايسه مجدد افكار ينه بوهنكامه مصادف
 اولديغندن لوندره و برلينده انتشار ايدن آثار و مؤلفات
 كمال اشتياق ايله پارسده اوقونغه، تقدير ايدلمك باشلادى .
 هر نه قدر شمال ادبياتى فرانسه يه (رهن) و شمال استيلا
 اردولر يله برابر داخل اولديسه ده آلمانلر، انگليزلر، اوفيو ضات
 و كالاته ينه فرانسزلر سايه سنده نائل اولمشلردر .

رومالیلر — رومالیلر، افرادندن بولندقلری ملتک ترجمان
حسیاتی اوله مامشلدردر.

(ویرجیل) Virgile (اووید) Ovide (هوراس)
Horace نام اوچ روما ادیبی عجز و نقصانلرینی بیان ایچون
فریاد ایدوب طور مشلدردر.

نتهم (سزار) مدنیت یونانیه مخربلیکله متهمدردر.
واقعا رومالیلره خلف اولان ایتالیانلر بیننده ظهور
ایدن (دانت) Dante کی شاعر و (میکل آنژ) Michel-
ange و (رافائل) Raphaël کی رساملر؛ (هومر) ه،
(پاراقسیتل) ه معادلدرلر.

غرب ادبیاتنه نقل کلام ایدنجه: اولا ایتالیا، اسپانیا،
فرانسه و آلمانیا ایله انکلیز ادبیاتی ارسنده اولان علائق
و حقائق ادبیه بی تتبع ایتک اقتضا ایدر.
شو قد رکه بو کون معتبر و مظهر قبول عامه اولان
فرانسز و بردرجه ده انکلیز و آلمان ادبیاتی اولدیغندن
طبیعی دیگرلری موضوع بجمزک خارچنده قاله جقدر.
فرانسز ادبیاتی اون یدنجی عصره دکن لاتین و یونان
اسارتندن قورتیله مامشدر.

Echyle، پندار Pindar، سوفوقلی Sophocle، اورپید Euripide، فدیاس Phidias، پراقس زیتلس Praxiteles، پولیقلت Policlète، اسقوپاس Scopas، آبولونیوس Apollonius، غلیقو Glycou، آپهلس Apellès، زوکسیس Zeuxis، پرازیئوس Parrhasius، تیمانت Timante، یقتینوس Yctinus، کبی اسملرینی درخاطر ایدمه‌مدیکم شاعر، فاجعه‌نویس، محرر، هیکل تراش ده‌ابرچوق ذواتک آثارندن مستفید اولمقده‌در.

ایران‌ایله ایدیلان (ماراتون) محاربه‌سنده یونانیلرک مکارم اخلاقه، اعلیٰ حسیاته تعلق‌ایدر نه‌عالی غیرت‌لری؛ شجاعت‌لری کورلمشدر...

یونانیلر، اجانبک مهاجمانه مقاومتله برابر معارفه‌دنخی خدمتدن کبرو‌طور مامشاردر.

چونکه ال‌جدی ترقیاتک حامیسی حمیت وطنیه اولدیفندن تاریخ‌لرده کوریلان (پریقلس عصری) نک اساسی‌ده محبت وطنیه ایدی.

(هومر) ک حالا مقبول انام اولان او ایکی اثری اوائلده وقوعه کلان محاربات ملیه‌نک بر طاقم خاطر اتندن باحث اولوب هر صحیفه‌سی بر قهرمان مزاریدر.

فیلون، زوزوف، ابن آزار نام ذواتك آثار و محرراتی
غریبیلر نزدنده حالا معتبر و ممدو حدر .

* * *

یونانیلر - یونانیلره دائر بیان مطالعه ایدیله جك
اولورسه دینه بیلورکه مشخصیت بشریه بی کالاتیله برابر انظار
بشیره عرض ایدن یونان مدینتدر .

مدینت یونانیه، یونانستانك كاملاً روما اشغالنه دكین
محدود بر دائره ده ایکن متعاقباً تشعب ایدوب یعنی آثار
مدینه لری روما و ایتالیا نلر واسطه سیله غریبونك آیادی
استفاده سنه کچمشدر .

یونانیلرك بو بابده مصور کامل طانیلری، حسن
طبیعی بی معارف ابتدائیهلرینه اس الاساس انخاذ ایتملریله
مدللدر .

ایشته بو حقائقه مبنیدرکه ادبیات یونانیه جمعیتك هر
صنف خلق طرفندن حالا شتایشلرله قبول اولنقمدهدر .

واقعا بزم ادبیات عثمانیه مز، یونانیلر ییننده هر بری
برر چیغر آچمقله اشتهار ایدن قرق اللی شاعردن یالکز
بر هومری طانیر .

فقط غرب ادبیاتی هومر کی یونان ملتتك اشیل

ایدیلان هم مدنیترورانه معرفتیه خطوط مصریه نك كشی
او قطعیه بی برمرآت فضائل وعوارف حاله ارجاع
ایتمشدر. *

عبرانیلر - آسیا اقوامی بیننده الك قدیم والك اخیری
عبرانیلردر. یهودیلرک بر اسمی عبرانی ویاخود عبرانیلر،
یهودیلرک اجدادیدر.

.....
مدنیت اخیره بی خرسیتانیت ایله برابر تولید ایدن
زوده [*] قطعیه سیدر.

قرون وسطاده آثار عتیقه یه دائر عربلردن اول
اعطای معلومات ایدن یهودیلردر.

یهودیلرک اوائلده ادبیاته متعلق آناری اقوال حکمیه
واساطیر و دستانلردن عبارت قالمش ایکن ایران حکمدارانندن
مشهور کینسروک امر مساعده سیله اسارتدن مملکتلرینه
عودت ایلیان اهل یهود فلسفیات و آلهیاتدن خیلی ترقی
ایتمشدر.

یهودیلر بیننده خرسیتانیتک برنجی وایکنجی عصرلرینه
طوغری پک بیوک محررین ومورخین ظهور ایتمشدر:

[*] قدس شریف حواله سی.

یتشدیره مامش و ایران دخی بونلر کی سائر بر قاج شاعر
و حکیمه مالک اولمامش اولسه لسان حرمتک بودرجه سنه
مظهر اولدمز ایدی .

« سعدی » ایله « حافظ » ایله یالکز عجملر دکل بر
جهان مفتخر در .

بنده کز، حافظک الک کوزل اشعارینی اجنبیلرک از برنده
بولدم .

بونکله برابر کرک عجملر، کرک عثمانلیلر، صوک درسلیرنی
عربدن اوقومشلردر .

بز، عثمانلیلر ایسه عربلری افضل اقوام صره سنده
کوره بیلیرز واقعا عربلره کورشمندن اول، عجملره شعر
انشاد ایلدیکمزی تاریخ انکار ایتیمور .

لکن لسانا، دینا، خلقا عربلره هر ایکی طرفک پک
بیوک مناسباتی واردر] .

کلهلمینه مصرلیلره :

مدنیت مصریه دائر (هرودوت) ، (مانه تون) دن
غیری اعطای معلومات ایدن بولنمامشدر .

۱۸۴۱ ده فرانسه و شامپولیون و اخلافی طرفندن

بو حق فضیلتی قلماً مدافعه ایسه نه عالی شرفدر که
تجارب اعصار ازلیه دن کسب فیض انتباه ایدن برملت
محترمه نك حیات معنویه سنه اشتراك ایتمش اولیورز.
تاریخله اشتغال ایدر ذواته ایسه خفایادن عداولنه مز که
ترکلرک، عربلرک، عثمانلیلرک تاریخ ظهورینه دکین بر قاج
یوزسنه لر شرقك خزائن حکمت و معرفته محافظ قدردان
اولان عجملردر.

حتی هند و چین طریق محافظه اولندیغی حالده، ایرانك
مصر، و یونانیلردن استفاضه علوم یولنده اولان مناسبات
تاریخیه سنی تعیین ایتك عادتاً درجه استحاله ده در . .
ترقیات صنایعه حرمت و اعتبار ایسه اك اول ایرانده
وقوع و بولمشدردر.

و بو حقایقه مبنی اولسه کر کدر که فرانسه محررلرندن
بری «فن و اسلامیت» نامنده کی اثریله اك مشهور اصحاب
صنعت و معرفتک مولدی ایران اولدیغی اثباته چالشمشدر [*].
فی الحقیقه عربلرک؛ مشهور اولان شاعرلرندن غیری
فردوسی، سعدی، انوری، حافظ قآنی کی شاعرلر حکیملر

[*] علی فرخ بک «تشیهر اباطل» عنوانلی مقالواتی فرانسه
حکیمنه ردیه در محترم «طریق» غزنه سنده نشر اولنه جقدردر.

والای عربی خادم معارف، و حامی مدینت نامریله یادایتمک
بحق سزادر.

— عجملر —

اقوام فاضله میاننده، عجملره ادباً بر موقع تعیین ایدیه.
جک اولسه استاد حکمت نامیه یاد اولنه بیلورلر.
منشی، اختلافات تاریخیه دن کشف اولنه میان کلمات
انسانیه نک اک بیوک وارث و حامیسی ایران حکماسیدر.
عجملرده فضل و کمال بشر او یله بر مطلع عرفانه قلب
اولدی که اوزرمزده مغربلشان زوال شعشعه سی، الآن
قوای معرفتی حس ایتدیریور.

او قوم بالای حکمتک، المده که قلمله عرض اولنه حق
برمریتی عاجزانه بر قاج سوزدرکه بزمه اولان مناسبات
کالیه لرینی بر کون تذکیراً تقویه ایتک ایچون لازم کلان
شوق و غیرتی حقیقه محافظه ایده جکم.

چونکه ایران ادیبلری، حکیملری نامنه اوروپالیر
طرفدن لسان ستایشده یازیلان آثار و مؤلفاته مقابل او
لسان توقیر بزده ده اداره اولغلیدرکه حقوق شناس استادی
اولمق تهمتندن الی نهایه بری بولنه لم.

پیدا ایدنلرندن دکلز . بوندن بویله ایدیله جکنه شبهه یوقدر .

بوده عثمانلیردن عربجهیه واقف و آشنا بولنان ذوات کرامک هم معارفیورانه لریله آورده حد حصول اوله جقدر .

از جمله مشاهیر النساء و المنتخب . . مؤلف فضائل سمیری استاد محترم عزتلودهنی افندی حضرتلری بوافکار وتمنیاتی که زیاده ترویج بیوره حق اولانیدر .

او اقتدار محسوس قدرت قلمیه و علمیه لرینه دهها پارلاق بر برهان عد و اعتبار اولنه حق اولان «القول الحید» نامیه در دست طبع بولنان اثر عالیریدر . بواثر محاسن نصابک بر آن اول نشری «شرکت مرتبه» جانبدن رجا اولنور . مع مافیه عربلرک محاسن ادبیه و کمالات مدنیه لرینی بویله بر قاچ سوزله افادهیه قالمشقی مشکل بر وظیفه در . ذاتاً احوال عمومیه و خصوصیه لری نقطه اعجازه موصولدر .

بناء علیه اسلامیتی مکارم اخلاق ایله توصیف بیوران فخر کائنات افندمرک اتباع بی شمارندن معدود بولنان قوم

قوم عربك اشعار جیده و حسیات ادبیہ سنہ الٰہ زیادہ مفتون
و مغلوب اولنلردن بری ایدی ..

دها غریبی (ویقتور هوغو) «یا شاطو بریان یا هیچ!»
دیه گویا شاطو بریاندن غیری تصویر بدایع فطرت ایدہ
بیله جک بر کیسه تصور ایدہ مدیکی حالدہ اومنشئ کاملک
«الحضرأ» «الحرأ» سرایلرندہ عربلرک کمال قدرت ادبیہ -
لرینہ، اشواق خیالیہ شعریہ لرینہ عادتاً مفتون و متحیر قالب
برقاج کونلر اغلا دیغندن غافل اولمسیدر!

برده ایضاحه حاجت قالمزسه آسیاده، افریقاده،
اوروپاده ساحه کیر وجود اولان آثار مدنیہ و معرفت
کمالیه لرینی تاریخ ظهور و ترقیلرینہ قیاس ایتمکله اوامت
نجییه محترمه نك تعیین درجات فضائی قولایدر .

شرقك، غربك فلاکت وزواله اوغرایان ایکی دولت
معظمه سنك انقاضنده تأسیس بنیان دولت ایدن عربلرله
فخر اولنلیدرکه اعمار بلدان، تعمیم معارف، و نشر مدنیّت
خصوصلرندہ پك زیادہ بذل مساعیده بولندقلر یچون
نام عظمت اتساملرینی تعظیم و تجلیله بر جهان معرفت
شتاب ایدیور.

واقعا شمدیلک عربلرک اشعار و ادبیاتنه لایققله و قوف

بونکه اکتفا ایتمدن شوراسنیده عرض ایدم که عرب
استیلا اردولری سیار او معرفتخانه لر حکمنده ایدی که
معلوم اولان جهانک هر نرسنه توجه ایتمش لر ایسه محاسن
کمال و هنروریدن برر نشان براقوب حتی شمس ذکای
فطریلری انوار معرفتدن ظلمت جهالت اونودلمشدر.

عربلر ایچون او نه بیوک فضیلتدر که انتباه فکر بشرک
اول باول جزیره العرب طرفلرنده ظهور وانتشار ایلدیکنی
جرح وابطال ایدمک بر دلیلز وارسه اوده اعتراف
حقیقه شتابان اولمقدرد.

حسب البشریه روا کورلمز ایکن بر عرب مجاهده سنک
اک محترم ادیبلر مرتبه سنده انشاد شعر ایدوب صلح وصلاح
حالندن بر خلقی میدان جهاده سوق وتشویق ایلمک موفقیتی
ینه غر بلرده کورلمشدر.

ممکنسه سیر ایدیکز، او خلقک صباح معرفتی که
«پریقلس عصری» مثللو اعصار ادیبه ومدنیه سی ایله
مباهات فاضلانده بولنان آتیه طرفداران ترقیسی، شاگرد-
لری اولان عربلرک اندلسده بنا ایلدکلری دار المعرفتله
ارجاع نظر تعلم ایتمک کبی بر تنزل عرفان پسندانده بولنمشلردر!
(ویقتور هوغو) غربک اک بیوک برشاعری ایکن

محدود بردارنده قالسون . چونکه عربلر ، جهانك هر گوشه سنده حرمت قزائمش بر ملت محترمه دركه شررده ، غریبه بوكون اقوام وملل ، انلرك اثرینی محافظه ایتمکله مترقیدر .

اقسام صنایع بشریه ده ، معارف عمومیه نك همان هر شعبه سنده ، عربلر نامنه تکمیل مخالصت وجدانیه ایله ایدیلان اذکار و محامد ، اقوام فاضله دن هیچ برینه نصیب اولمش ، شایسته کورلمش بر فضیلت دکلدر . .

بو توجهلر او رتبه عمومیتله عرض اولنقده دركه ازلاً ابدأ شائبه زواله اوغرایه حق عربلرك بر مزیتنی تصویریه عبندر .

عربك ، او مزین ، او مکمل معرفتخانه لرنده ، عربلرك استعداد هنرورانه لرینه ، افکار مجددانه لرینه دلالت ایلر نه چوق آثار معرفت موجوددر .

قافله مجاهدین عربك جبل الطارق دن اندلسه یازن استیلا اولان بو قسمی اوصاف عسکریه و فضائل جوانمردانه ایله تلقی اولنه بیلیر . . لکن اره لرنده یتشان ارباب اقتدار ، دهاته غریبه حیرترسان اوله حق بر صورتده ایثار فضل و کمال ایشلردر .

عوام و خواص دكل حكمداران ييله او خطك نه وجهله
يا زلديغه واقف دكلردى؟؟..

برده مصر قطعه سنى قبضه تسليم ينه كچوران اقوام
وملك اكثرى مصرده موجود بولنان صنايع و آثار عتيقه يي
محوه چالشمشدر.

از جمله عجملر مصره ايكي دفعه تهاجم ايدوب هر
دفعه سنده تخريبات ايله مشغول اولمشلردر.

بيوك اسكندردن خرسثيانيتك دخولنه يعنى شرق
ايمپراطولغك مصرى استيلا ايلديكي تاريخدن عربلرك
ورودينه دكين مصر من جهة ميموريت و عظمتيله غبطه
رسان جهان ايدى.

عربلره ايسه مخرلك اسنادى صرف افترادر بو حقيقتى
تبعات تاريخيه مؤخرأ ميدان وضوحه چيقارمشدر.

— عربلر —

[عربلرك ترقيات ادبيه سنه دائر بوراده بيان مطالعه ده بولنام
بيوك بر جرآت عد اولنه جقدر بيليرم او قوم نجيب حقنده
ستائشخوان اولمق اك مشهور ارباب اقتدار مزه عائد بر
وظيفه اولديغچون بنده كز ايسترم كه بويابده كي فكر و مطالعه م

مصر - قرون وسطی، جمعیت حاضرہ نك نصل بردور
تجدد و انفلاقی عد اولیورسہ مصر قطعہ سی دخی آسیانك
و تعبیر دیگر لہ شرقك اولہ بر نقطہ انتباہی ذکرینہ شایاندر.
یونان و رومانی ارشاد ایدن مصر مدنیثیدر.

صنایع مصریہ و مصریارك طبابت، حك و رسمہ
مشہور انام اولان مہارت و اقتدار لری قابل انكار دكل ایكن
تأسف کہ عمومیت لہ اجانب ایچون موجب استفادہ
اولہ مامشدر.

افكار مصریہ سرایت ایدن محویت، کندیلرینی
هیکل کی لساندن محروم قیلشدر. باخصوص او عظمتی
هیکلر یانندہ لسان بشر محو اولمشدر!

چونکہ (هیئروغلیف) [*] خطنك استعمالی مصرك
ابتدای انقراضیدر. بوکادہ سبب، معلومدر کہ (هیئروغلیف)
خطی، صنف روحانیان طرفندن حکومت نزدندہ متنفذ
بولغق آمال منفعتپرستانہ سنہ مبنی ایجاد ایدلمش برنوع اصول
کتابت ایدی.

[*] رومجہ (هیئروس)، مقدس؛ غلیفو، حك ایلہ رسم
یامق یعنی مقدس یازی یازمق دیمکدر.

واقعا هند مدینتی، مصر و جزیره العرب و چیندن
نه اول و نه انلر قدر جمعیه خدمت عرض ایده مامش
ایسه ده هند ادبیاتی غربککنه معادل و بعض مورخلرک
روایاتنه نظراً او تاریخلرده فوق العاده ترقی ده ایتمش
ایتمش.

نه فائده که بوکون او مآثر ادبیه و مدنیهدن بر نشان
قالمامشدر!

هند مدینتی، اوننجی عصر دن اون او چنجی یه دکین
جنکیز و تیمورک مهاجمات تخریبکارانه لری تا اساسندن محو
ایتمشدر.

شدت ذکاده، سرعت فهمده حاصلی حرب و ضربده
شارلمان و ناپولیون درجه لرینه وارن — تیمور سلاله —
سندن — اکبر خان هندک اوشعشعه مدینتی محافظه و ادامیه
چالشیلیدی؟!

بونکله برابر اونو تیهلم که بر وقت (همالایا) طاغلری
یونانستانک (پارناسی) [*]؛ عربلرک (سوق عکاظی)
مقامنده ایدی.

[*] اسکی یونانستانده واقع، شمس و قمر و صنایع نفیسه
صنمی (آبولون) نک اقامت ایتمش اولدیغی جبلک اسمیدر.

معنون کتب، هندلیلرک — سراج مدنیت اطلاقه شایان
اولان — سانسقریت ادبیاتی تشکیل ایتمشدر.

ذاتاً سانسقریت کلمه سی معلوم دیمکدر !

هندفلسفیاتی، ارسطولری فلائلری عادتار شاد ایتمشدر.

سقراط و افلاطون زمانلرنده هند، چین کبی اوج

درت عالمک وجودینه مالکدی.

Mahabharata ماهاباراتا، راماینا Ramayâna دیگر

ایکی شاعرك اشعار راعیانهلرندن غرب مستفید اولمشدر.

هومرك مشهور ایلیاداسی اون بش بیک ابیاتدن

عبارت اولدینی حالدۀ مذکور اشعار مترجه بلکه اللی

ایکی بیک بیتدن فضلهدر.

اوروپا یعنی ۱۶۱۶ و ۱۴۹۸ تاریخلرنده پورتکیزلر

هولاندالیلر، انگلیزلر، دانیمارقه لیلر و فرانسزلر تأسیس

مستملکاته چالشدقلری صرهدۀ هند ادبیاتندن خیلی آثار

ادبیۀ نقل و ترجمه ایدوب ترقیات لسانیهلرینه خدمت

ایتمشلردر.

Des lois de Manou و Sacounta la Pantchatantra,

کبی آثار السنۀ غربیه ترجمه ایدلمش اولان آثار وامثال

حکیمهدندر.

شرق و غربی

— تاریخ ترقیات نقطه نظرندن —

— بر موازنه —


شرق، بروقت مهر آرای عالم مدنیت ایدی صحیح !
فقط او مهر مدنیت پیرایی تهزیز ایلله طفل نوزاد
معرفتی بیودوب میدانه حیقاران، چینلیر، هندلیر،
مصریلر، عبرانیلر که اصل شرقی ده انلر اولیور .
چین — ماضیسی موجود او خزینه کمالا تدرکه شمیدی به
دکین نامی وحشت وجهالتی علم فرض ایدی لان بر چینلی
شاکرد استادینه وکالت ایدیور .

یونان مدنیتک از چوق ترقی ایتدیکی بر زمانده
هومر، سقراط کی بر شاعر، بر حکیم موجود دکل ایکن
چین تاریخی : فو، لا او جو، قونفوجیو، مائجیو،
له کن، لوشوکن کی مؤسسیندن، حکمدان، محرریندن
شعرادن بش اون دهاتک تذکیر اسامیسیله افتخار ایلوردی
هند — جهان معرفته بر فکر موجدانه بخش ایتش اولان
بلده لردن معدوددر .

(جهت)، (جایدووا)، (آمارو)، (وهدو) الخ اسمایله

ملتەردىز . . لوندانە قىچ طوتان بر الدن قلم طوته يىلك
استعدادى ندن استبعاد اولىسون .

تنقىدكە محسناىى بيان و تعداد امليله شوراده بر قاچ
سوزسويىلدىم؛ (پرىقلىس) عصرى ارباب صنعتكە لوحەلرى
اوزرىنە يازدقلىرى شو عبارەدە صوك بر سوزم اولسون:
» بر شئى منصفانە مؤاخذە ايتىك انى تقيلىدىن دها
خوشدر «



و هم قائلنی پیش نظر احترامنده شخص ایتدیکی حالدہ کورسون.

بزده آثار اسلافه دائر محق نصل بر تعریفنامه یازلمشدرکه انسان آلوب او قورسه مثلاً (نفی) نک کیم اولدیغنی طا- نیمغه موفق اولسون...

دها غریبی..... بزده رومان دینسه کوکل اکلنجہ سی اکلارزا!

حاصلی ادبیات صحیحہ نامنه یازلمش پک آزاثرمز واردرد. اوراق مطبوعات میاننده هله هیچ بر غزته مز یوقدرکه نشر اولنان آثار حقنده برر مطالعه و یاخود آثار اسلافی بلاغرض تنقید ایتسون....

غریبک اوبیوک ادیبیری، شاعرلری تنقیده عائد آثارک تربیه کرده سیدر.

اون بش یکر می عصرک فیوضات و کمالاتی اخلاف واحفادک انظار دقتنه عرض ایلجهک منقدردر، صانیرم. بز، ده دولتیزک مبادیء تشکل و تأسیسنده بر الدہ دشمنه مدافعه ایدر قلیچ و دیگر الدہ مظفریتنی هنوز تأمین ایدہ میان بر عسکر قلبی کبی هیجان حالنده بولنان قلبک حسیاتی، احتراصاتی تصویر ایچون قلم اداره ایتمش

تنقيدك ادباً اهميتى تسليم ايتيورلرايسه (غلوب)
غزته سنك - فرانسه انقلابات ادبيه سنه دائر - وقتيله
يازدينى مقاله دن شوسوزلرى بوراده ذكر ايدلم.

» حسود اولمقده نه محسنات وارد ر: معرفت، تاريخ
صحيحه لرنده ميت كې روح سر كورينان ناصيه دهاله رنك
حيات ويرمك؛ بو قبلره علويت بخش ايليان شدائد
حسياتك درجائى تعين اتمك ودها طوغريسي طرز
افاده لرني اخلاق مكسوبه لرني اصلاح و مجديده
جالشقدر».

حقيقت، بزده تنقيده اهميت ويرر اصحاب اقتدار
يتشمش اوليدى فضولى ي غزلى، نفى ي قصيده جى طا -
نيمقله مى اكتفا ايلردك؟

(باقى) نك، (نديم) ك، (شيخ غالب) ك ماهيت ادبيه لرني
- ندرجه ايسه - اوكرنمكى آرزومى ايتزدك؟

فضولى آتشران برشاعر... و غزلسر القده عصرينك
ممتازى ايدى. فلان رديفلى غزللى بك كوزلدر ديمك
مقصد ادبه كافى بر جوابميدر؟

او كوزلك تنقيداً عرض اولنمليدر كه مطالعه سنه، تما -
شاسنه حصر دقت ايدمك اولان نظرلر هم تنور ايتسون

برلسانده خیالی و معناسز سوزلری تجرید ایدن ارباب
حسن طبیعت، اصول تنقیده و یریلان اهمیت نسبتنده
متزایددر.

تنقید، اعصار سالفه بی صحائف استقباله، ادوار متمدنه بی
صفحه ابدیه درج ایلر. فضیلت ادب، تنقیده دوام ایله
حاصل ایدیلور.

هیئات که بزده ادباً تنقید حقنده برفکر حاصل
ایدن ذوات پک آزدر.

عرب ادباسنک آداب مناظره دائر افکار و مطالعاتی
بالتوجه عرض ایدیلور. معلمه، عالمانه نصیحتلر و یریلورده،
فعلیاته کلنجه او محرر و منقدرک قاریشق و شدتلی برلسان
خسته لکنه طوتلقلری کوریلور.

بوکون (دیوژن) کبی المزه برمشعله آلوب منصف
برمنقد آرایه جق اولسهق امینم که بوله میز.

انجق ترقیرووران ادبه سلاح تعریض و تزییف ایله
مقابله ده بولنور؛ ارباب هوسی محقیراً بجھيله چالیشیر
برچوق معارضله، بوارق مجلد و تفاخره تصادف ایدرز
که ملسمزده معارف ادبیه نک دها برموقع حرمت احراز
ایده مامسنه سبب اولمشلردر.

— تنقید —

اقسام ادبیه دن بری واک مهمی تنقیددر.

تراجم احوال یازمق توصیف، تصویر ایتمک کبی صنایع، تنقیده داخلدر. تنقیدک باشلیجه خدمتی، اصحاب تألیفک اقتدارینی تعیین ایتمکدر. اقتدار مؤلفینی تعییناً ایدیلجهک مطالعاتک اربابی نزدنده دقت نظریهیی تنویر، خیالی توسیع، روحی تزکیه، سیدئاتی احما، اخلاقی تصحیح کبی محسناتی مسلدر.

فقط بوکونا مؤاخذات ادبیه احکام وجدانه، محاکمات عقله مراجعته یازملیدرکه فکرلرده اوپله برحس پیدا ایده بیاسون.

تنقیده نه رتبه اهمیت ویرلسه سزادر. ترقیاتک اقصای کماله انکله واصل اولنور.

انسان کوزلی چرکیندن تفریق ایتمک ایستزمی، ایشته تنقیدک بر وظیفه سیده بودر.

صاف و براق برسماده بلوطلره؛ کوزل و متبسم بروجه و ناصیه ده شیخوخته دلالت ایلیان چیزکیلره تصادف ایتمک نه مرتبه مورث اسف ایسه بر اثرده کثرتله نقایصه مصادف اولمقده همان اودرجه شایان تأسفدر.

(لامارتین) جمعیت بشریہ نك اك بيوك معاونی ذكادن
اول محبتدر دیور .

بزم عشق پرستان زمانمز اندہ برعلت غائبہ کورہ -
مدکاری کبی عشق بر جاذبہ در، آتشدردیمک ایستورلر!
بندہ کز بو عشق و محبتی تجلیات الہیہ اولمق اوزرہ
قبولی طرفداری یم . موجوداتک ہر ذرہ سندنہ تجلی ایلیان دہ
الوہیتک بولمعا تیدر .

(لامارتین) کبی فرنک شاعرلری اثرلرینی بو محاسنلہ
تزین ایشلردر .

فقط بوفیوضات ومحاسن شیخ غالبک :

» افکارہ کورہ ویرر تسلی

مرآتہ کورہ ایدر تجلی «

دیدیکی کبی ہر فکرہ، ہر نظرہ جلوہ ساز تجلی اولہ من .
عشق و محبت حقنہ صحیح بر تعریف آرامق ایستیانہ
(ہوغو) نك آتیدہ کی مطالعہ سنی عرض ایدرز :

» بن سکا بر عالم کشف ایدہ یم کہ، شمدی بہ دین، سنی
اورایہ ہیچ بر کیسہ کتور مامشدر . اودرجہ کوزل، اورتبہ
لطیفدرکہ عودتہ متحسرانہ آغلار دہ مجبور اولور سین !
بونیدہ کلامیانہ بردیکرک مطالعہ سنی ارانہ ایدرز : » سز
نامتناہیلکی عشقہ آرایکز ! «

اسلافك ديوانلريله بعض عصر من شاعرلرينك آتاري
برر برر اوقونمش اولسه بو ايكي خصلت مرغوبه نه
مؤسف اسناداده بولندقلري كوريلور . . .

عشق وسودا . . . انسانه چاك كريبان ويا ترك جان
ايتديرر برداهيه ايمش . . . برخانانسوز ايمش . . . بيلم دها
نه ايمش . . . خطا ايتمشلر !

عشق ، حياتك غداي روحي ، باعث صفاسيدر .
حيات ، عشقه قائم وعشقك فوقنده عدم واردر .

غربده دوقتور (دوبي) كي عالم، عشقي، ماهيتي
هنوز اكلاشليان وجاذبه تسميه اولنان بر قوت واسطه سيله
ايكي شخصك يكديكرينه اولان انجذابى ديمك ايستمشدر .

فقط ايتاليالى (دانت) كي بالمله فضائلك مبدئي
عشقدر ديان بولنمامشدر . يا محبتى ! . .

لفظاً دكل معناً مرادف ديه بچاره (محبت) كله سي نه
بيوك تحريف ومعاتبانه دوجار ايدلمشدر .

شاعرلرك بيلديكي محبتى برطرف، وطن وعائله محبتنده
ماديات نه كزر . او محبتلر سائقه سيله برطاقم فداكارلقلر
اختيار اولنيور . سائق ومسببي جاذبه تسميه اولنان
هپ اوقوتيمدر ؟

لکن بری ایتالیایه کیدوب اوراده بردلبر کوره رک
سوسه؛ صکره او سون ایله سویلنک عناصر مادیله لری
بینده روابط می واردر دینله جک ! !

بو حقیقت، رغبت و حرمت کوره جک اولسه نه اعلادر که
دهاتدن اولوب وفات ایدنلرک افکار عالیه سندن مستفید
اولق و مناسبات و روابط حسیله بزه هیچ براملری
مجهول قلامق ایجاب ایده جکدر . . .

بلکه انلردن بری - اولان عاشق ایسه معشوقنک
اغیار طرفدن سولسنه - مانع اوله بیله جکدر.
برادرمن بک مقاله سنه خاتمه اولق اوزره شو سوز -
لری ده علاوه سویلیور:

« والحاصل عشق و سودا دینیلان شیئی بن، ایکی
انسانک جزؤلری بیننده اساساً موجود بولنان بر مناسبت
یعنی الکتریقیته اسناد ایدیور والسلام. »
بو حکمی اعتبارندن اسقاط و تنزیل ایده جک بعضاً
سویلنک سونی سومامسی کبی احوال مجربه در.

* * *

عشق و سودا بونک کبی بر چوق سوء تفسیرلره
اوغرا دی.

روابطه ینه بر احتیاج لزومی حس ایدیه من .
 او متفکر، ذهننده بر (کوزل) تصور ایدوب انک
 عاشق هیولاسی اوله مازمی ؟ !

عشق وسودا فنه تطبیق اولنه بیلور . چونکه ذرات
 یننده بر آهنگ و امتزاج موجوددر . فقط اجزای
 وجودمزده مناسبت ویا سـومک، سوشمک بو ارتباط
 سایه سنده حصوله کلدیکنی قبول ایدرسـهک مثلاً بزدن
 صکره، نباتاتک تنفس ایلدیکی هوا حسیده اوله آغاجلرله
 سوشمک و ثانیاً عناصر یننده مناسبت وار دنیلان مناسباتی
 بعدالمات طانیق و تحدید ایتک لازم کلزمی ؟
 عاشقارک آه و افغانی نزمیه کیتکده در ... ؟

برده - سمایه صعود ایده جکیچون- یاتوتون دومانندن
 ویا چکیلان آهلردن سطح سماءه بر بلوط تشکیله موفق
 اولانی کورلشمیدر ؟

ذرات یننده وجودندن بر جزء تفریق ایدوب فلان
 عنصره مشابتهی اولدیغنی اثبات ایدن بولنشمیدر ؟
 بویله شیر نفس الامرده کلیاً مفقوددر . واقعا انکار
 اولنه من ؛ وجودمن تحلیل ایدلسه اسباب تشکلمزده هیچ
 بر تضاده تصادف اولنر .

چونکه عشق وسودا ايله - حرارت وضيا کي ايکي قوتک
اجتماعي تأثيرندن - وجود بولان الکتریک ييننده پک بيوک
بر فرق وار ويکديکرينک ماهيتلری تعين ايديله ميه جک
قدر مجهولدر .

برده (اجزای وجودك بالتخلل کائناتده توزيع) اولنه -
جني «هرشی اصلنه رجوع ايدر» حکميتله اون درت عصر
اقدام بيان اولمشدر .

غرائب اوراده دکل دينيورکه :

« . . . فقط يينلرنده بر الکتریکيت مناسبتی یعنی بر
تمایل ومحبت استعدادی موجود بولنان ايکي جزؤ هر زمان
کندی کندیلرينه بالفعل ميل ومحبت ايده ميورلرده مطلق
بر تأثیر خارجيه محتاج قاليور . . . بو تأثيردن باشليجه سی «تفکر»
اولوب یعنی بر انسان کوره رك دکل بلکه دوشونه رك عاشق
اوليور . . . »

پک اعلا ! انسان دوشونه رك عاشق اوليورسه او حالده
وجودك - اجزای مشترکه لری مقدارينه کوره آز وچوق
بر استعداد تمایل وسودا تصورايتكم احتياجي مس ايتمز .

ياخود تفکراً عاشق اولنلرك - تفکراتی اشيايه
تطبيق ايچون یعنی بدایع طبيعیه دن، محاسن بشریه دن کسب

مقناطیس حسنه انجذابى ایش؛ عشق کائناته ساری وحس
کى ادراك اولنوب تعبير اولنمز ایش !!
اخیراً بر ادیب عسکری طرفندن عشق وسودایى
الکتریکیتیه تطبیقاً یازلمش اولان مقاله دن آتیده کی سوزلرده
عرض اولنور:

«عشق وسودایه سبب، سون ایله سویلنک عناصر
مادیه لری بیننده موجود بولنان مناسبت وارتباطدر.
» مثلاً: بر آدم وفات ایدیور، انک اجزای وجودی
بالتخلل کائناتده توزیع اولنور. اجزای مذکورده دن
برقاج قسمی ویا برقاج انسان ترکیبیه داخل اولورسه ایشه
اوانسانلر بیننده — اجزای مشترکه نك مقدارینه کوره —
آز ویا چوق بر استعداد تمایل وسودا موجود
بولنور».

صاحب مقاله نك بو مطالعه سیله زمانمزی قرون وسطانك
مقناطیسجیلك دورلرینه قیاس ایتك لازمکلیور.
واقعا عوالمه، کی حکمران اولان جاذبه در،
الکتریکدر. بلکه دنیا اوایکی قوتك تأثیر جاذبه سنده
دوام ایدوب کیدیور. . . .

فقط عشق وسودایى جاذبه مخصوصاتندن عدا یتاملیدر.

روح استیناس و خوش آینده لواج و مناظر میاننده
چرکینی ده بولور. حسن طبیعت اصحابی نزدنده انلرک
هیبسی یک نسق دکلیدر یعنی او چرکین کورینان اشیانک
کندینه مخصوص بررکوزلککری واردر فقط اوسراثری
کشفه چالیشه حق نظرلرده فروتاب ذوق بولنلیدر.
عکسی حالده افلاطونک :

« شو سوزلرک مالی منفهم اولنجه کوزل اولدقلری
قدر سزای نفرتدر ! . . » حکمتی تفسیراً تکرار ایتمک
طبیعیدر.

کوزلکی تقدیر ایده جک اولان اصالت افکار ایله
ذوق وجدانی به مالک اولملیدر.

اک مقدس شیلرک ماهیتی اوخاصه ایله درک اولنور.
ارتق ادبیاتی - حسنک حس اولنشنه نظراً فکرک بر بیان
طلوعی - دیه تعریف ایتمک، بر جرأتی صایله بیلیر!

— عشق و سودا - محبت —

بیلیر میسکز که بزم اصحاب ادبمز نزدنده عشق و سودا
ماهیتی اکلاشلیان محاسندندر.

اشراقیونک ینه بو باده کی فکری، عشق، قلوبک

برف پوشیده کلنهای اوزره ،
عکس ایدوب آفتاب صبح بسیم ؛
زلف زرتارینی ایدر ترسیم ،
زیب دوش ایتدیکی مثال اوزره :

اوبیاض جامه سیله دینسه یری!
یره اینمش سحاب ایچنده یری!
سوزلری ابکار خیالیه دن؛ نه ذوق و حس ونه سائر
فوائد ادبیه دن محروم بولنمالمشدر.

حسنک بعض حکمایه کوره دیگر بر تعریفی ده :
فکرک برشیئه نفوذیه ازدواجندن عبارت ایمش .
اشراقیون ایسه روحانی برمقنطیسی اولمق اوزره
قبول ایدر .

اگرچه هر کوزل شیءک دقت نظریه ایله تقدیر
اولنه جفی بدیهی ایسه ده فکر و نظر دائما تحری حقائقه
ندن مجبور اولسون ؟
مثلا :

برشیئه باقیلور، مختلف صورتلرده کوریلور فطرتده
کوزللك عمومی دکلیدر ؟

فکر لرندن، اثر لرندن انظار ادبه عاكس اولان شوارق
معرفت، بدايع صنعت خاليه دكل ده ندر؟

واقعا خيالك رد اولنه جق جهتلري ده واردر.

مثلا شمعى نك شوييتى :

« موميانك هوسى شوييله ضعيف ايلدى كيم
بر قيلك آردينه كيرسم كوره مز كيمسه بنى »

حقيقه نfert ايديله جك افكار خياليه دندر.

بونده خياله عائد برفائده ادبيه كوريله مديكى كى حقيقت
ادبيه جهتمدن فكرياً دخی سالم دكلدر.

عبدالحق حامد بك افندي نك (صحرا) ده فريادندن :

— ۱ —

مسكن اولدى بكا شو صحرا لر،

كزرم سو بسو تك وتنه؛

يرده، كو كده بكنديكم اشيا،

يارمى هر نظرده عرض ايلر

كيجه سطح سماءه صورتياب

بلكه ده عكس حسنى در مهتاب!

يا خود :

و معنیدار اضطراباتی بیک صدادن مرکب آهنگ لطیفی ایل
 مزج ایلوب سکون و وحدت ایچنده پارلیان موقعه توجیه
 خطاب ایت ! . . « مطالعه سی پک حقیقیدر؛ پک طبیعیدر.
 کائنات، حسنک اورنک معانیسیدر. فقط اکلا یهلم :
 کوزللك حقنده حکمای قدما نك ایکی بیک سنه لك
 افکار و مطالعاتی تتبع ایدلسه مکمل بر تعریفه تصادف
 اولنه من .

از جمله (افلاطون) کوزللكی، حقیقتک بر شعشعه سی
 دیمک ایستمشدر .

هرشیده حقیقت تجلی اتمیورده او شی سویلیور .
 خیالی بر فکر بعضاً حقیقی اولانه مرجحدر . بوکا
 سبب نهدر ؟ خیاله فدا ایدلماش بر فکر معالی شعریه دن
 معدود اوله بیلور می ؟

« آز چوق خیال دن کلیر انسانه تسلیت

هپ اغبراردر یوزی کولمز حقیقتک » [*]

(بو الو) ایسه بو بدیهیاته رغماً : « حقیقت قدر کوزل

وسولمکه شایان برشی یوقدر » دیمشدر .

(هوغو) کبی غربده، شرقده یتشان اعظم ادبانک

[*] عبدالحق حامد بک افندی نکر .

« کتاب کائناتك قادینلر قسمندەکی صحیفەسنە شوایکی
کله نقش اولغشدر: محبت، حسن.

« شو بولندیغمز کره ارضده قلوب انسانیه بو ایکی
کله قدر حکم فرما هیچ برشی وارمیدر؟ بوایکی صفتی
تقدیر ایدن ملئک اسمی مدنیدر... »

بو سوزلر، حسنک بشریتدن اشیایه قدر جاری نفوذ
اولدیغنی مع زیاده ایضاح ایدیور.

و بو مطالعه حکمتپورانه اورتبه مقارن حقیقت
ایکن حسنک تجلیاته قدرت فاطره نکده مفتون بولندیغنی
بیان ایدلمدیکی ایچون ناقص فرض ایده جکم کلیور.

محبت اولسون، حسن اولسون؛ انلرک بری حسه،
دیگری دخی ذوقه تابع اولدقلر ایچون مشارق اسرار کائنات
عد اولنوزلر.

کوزللکی اشیاده تحری ایتک لازم کلیرسه بشرده
حسن، سریع الزوال؛ فطرتده مستلزم ابدیتدر دینه ییلور.
حسن، حزن بشر کی کتاب کائناتك هر صحیفه سنده
محکیدر.

شاعر کریان (ژیلبر) ک: « مطالعه وقتلر کدن صکره
کیت، شو بیوک آغاجلر آره سنده غائب اول. او طاتلی

زیرا خارجك تأثیری طوغریدن طوغری به روحه
واصل اولدیغی کی آثار قدرتک تماشالرینی سیر ایله ذوق
اکتسابی فضیلت روحه مخصوصدر.

مع مافیہ «قدرت فاطره نك علویتنه روحی» کوره
بیان روحك اعتلاسندهده شعری حس ایتلیدرکه کرک
شعردن وکرک روحدن برشی اکلامش اولسون. چونکه
شعر، کوزللك نقطه نظرندن صنایع نفیسه نك اک نازک
برقسیدر.

باخصوص شعرک بوکون خدمتی قلب بشری تشریح ایتمکدر.
انسان هیجانه باشلیان قلبنی دائماً شعر او قومقله تسکین ایده بیلور.
مشهور سقراط بیلله اعدامه محکوماً محبسه کچور.
دیکی ایام اخیره عمرینک مرارت واضطرابنی شعر اوکو-
مقله تعدیل ایتمکدر.

— حسن —

ادبامزدن بر ادیب بیدانی دیورکه :
« حسن، او نه عالی شیدر. بعضاً برکوزل اغز برکوزل
کلمه، ایکی کوزل کوز بر فکر شاعرانه به مرجحدر. »
حسنک نصل برخاصه جلیله اولدیغنی اکلایه میان
برده شو سوزلره دقت بیورسون :

شعرك قلبدن زياده آثار قدرتله علائقي وارددر. خارجك
روحه تاثيرى دائما شعرددر.

ياخود شعر، قدرتك [*] بر آهنگى، روحك خارج
برعكسى كيدر. و بوحقائقه مبنيدر كه «تعليم» ده:

«بو آهنگ سلاست - كه روحانى قواى ناي فصاحتدر -

نغمه ساز اولدينى آثار ادبيه ده كى افكار و حسياتى سامعين
وقارئينك نفس ناطقه لرينه قدر القا و اوصورتله قلوبى تسخير
ايدر. . . .» كى عظمتلى و شعشعلى جمله سنه قائل اولندى.

نته كم ينه فرانسه ده (شعر توصيفى) ترقى يه باشلا دى صره ده:

«مادام كه فلسفه روحى انكار ايدرك دائره حسياته

ادخال ايدور؛ او حالده شعر، بدايع اشيائى مدققانه توصيف
ايچون (روح) ك فوقنده بولنغه مجبوردر» مطالعه سى كتب
ادبيه لرنده كورلمشدر.

واقعا روح حقنده (هژل) نام حكيم دير كه: «روح،

قدرت فاطره نك مقدس بر كله سيدر. بر طاقم برزخ لره

او غراد قدن صكره صفحه معرفت ادبيه يه قدر اعتلا ايدر».

بك طوغرى! بز، شعري سنوحات قليه ديه قبول

ايتدك، لكن روحك بوبابده كى تاثيراتى ده انكار ايتدك.

[*] طبيعت برينه قدرت سويانديرلدى.

ینه مقصده رجوع ایدم :

محاسن فطرته بر درجه دها شمشعه، بخش ایلیان برشی
وارسه اوده عکوس مناظر در.

بنده کز دیه بیلورم که انسانده بلاغت شعریه عائد
حسیاتی تولید ایدن او شکل در در، او عکس در در.

چونکه « عکس صدای طبیعت، افکار شاعرانه دن
دها شاعرانه در » .

اوت ، خلقتك اتحاد صداسی، او آهنگ بلیغی ایشته
انسانی بوکون ناطقیت حالنده بولندیر یور.

ینه او محاسن بدیهه در که بزده کی سوزی نغمه یه تحویل
ایتدی .

قدرت فاطره ، انسانی برسوق ایله استفاضیه دعوت
ایتماش اولسیدی بز، نفائس شعریه دن نه اکلامش
اولور دق ؟

فقط بدایع قدرتی اکثر صمت وسکون حالنده کورن
بولنور؛ او کوزلره آجیرم . شعر او بدایعك لسانی دکلیدر؟
شعری، یالکز محسوسات وجدانیه دن عدايتك بیوک
بر وقوفسنز لقدر .

روحہ عکسیلہ، نظرہ شکلیہ اجرای نفوذده بولنور .
 حس ایسه بیلورزکه تأثرک بر اثریدر. انسانک بوکون
 سرمایہ حیاتی بلکه تأثرات قلبیہ سندن عبارتدر . . .
 قلبنده برحس تأثری اولمیانک، جایگیر فناسی مقبرده کی
 غنوده ظلمتدن نه فرقی واردر ؟

سویلکه حاجت یوق، انسان اک مسعود زماننده
 — اللہدن غیری احیا واعاده یه قادری بولنمیان — ماضینک
 بر خاطر سنی یاده چالیشیر . .

ضرورتک، ضیق صدره دوچار ایلدیکی درکه سینه
 واران انسان سوکیلی ابویتنک برنوازشنی، بر تبسمنی اخطار
 آرزوسنه دوشر . . .

بن بوسوزلردن خلاصه مرام ایدرک دیمک ایسترمکه
 « مسلکسنر، مذهبسنر یشانلر ! . . » قول مجربنه بناء
 انسان دخی رفاهیت بشریه سنی بر درجه تأمین ایچون
 اوائلده بر طاقم باطلانه تعبدلره اوغرامشدر.

بو حال سقراط زماننده بیله وقوعبولمش و حکیم
 مشارالیه وحدانیتدن بحث ایله موحدیندن اولدیغنی اثبات
 ایچون وعظ و نصیحتلرینک بر ثمره ویرمدیکنی زمان اعدامنه
 دکین کورمشدر.

— اوشی ندر؟

— شعر نه ایسه اوشی ده اودر!

— یا شعر؟

— اوילה ایسه دوام ایده لم :

هرملتک، هر قومک هیئت ملیه سنه مخصوص احوال
وعاداتی واردر؛ فقط قوانین طبیعییه نک بیله تفرعاتنده
انقلاب و تغیره اولان استعداد و تمایل درکار بولندی
ایچون متقدمیندن اکثرینک احوال و عاداتنه نظر انتقاد
ایله باقماق ایجاب ایدر .

وقتیله برچوق یرلرده تعددآله اعتقاد واعتماد اولنورمش.
مثلا صویه، ترابه، آتسه، حیوانه حاصلی ذراتدن شموسه
دکین هرشی معبود طانیلورمش. . . «تعددآله نظام عالمی
اخلال ایدر...» کبی بر حکمت جلیله بوکیلره مجهول ایدی.
باخصوص قدمادن بعضیلری هرکوروب پرستش ویا
تعبد ایتک ایستدیکی شیئی الوهیت مرتبه سنده تعزیز
وتقدیسه شتابان اولوردی.

فقط مصنوعات بدیعه قدرت اوילה برهیولای هزلمیدرکه
لحظه البصرده تسخیر قلوبه، جلب دفته مدار اوله مسون؟!
یا کوزلکی تعبیر ایچون دینیورمی که او برحس در:

اشیا ایله ابتدا انسیت حاصل ایتک و بو وجهله اندن مستفید اولمق اقتضا ایدر .

شمدی بو حاله (ملکه) دینلشدیرکه بر شینک حقائق و دقایقنه اطرافیه واقف اولمقدن ودها طوغریسی کسب رسوخ ایلکدن غیری هیچ بر معناسی یوقدر .

ایشته انسان ملاحظاتی اشیا به تطبیق ایتکه باشلادیغی آنده ایدی که سنوحات قلبیه سیله جابجا آهنگ ، ترقی ، تعاقب کبی موجوداتک بر قاج قوانینی تماشا به باشلامشدر . سنوحات قلبیه به مظهر اولان فکر اصحابی ایسه جمعیه بیوک و جدی خدمتار عرض ایتمشدر .

قلبک اوسانحاتی آثار قدرتک خفی و دلپذیر اسرارینی بزه تبلیغ و عرض ایدن تماشا لردن عبارتدر .

تماشا لردن ، تصاویردن ذوق الهجق نظر لر ، طبیعی برمدت نور بصر واسطه سیله صفحات ذهنه نقل و نقش اولنان لواج الوان دناری ده سیر و هر برینک ماهیتلرینی اکلامق ایستیه جکدر .

صفای طبیعتله دوشونلدیکی حالده قوه میزه و محاکات عقلیه دن هر نه حال اولورسه بعض نظر لرک خوشلانه جفی او برشی اولیور .

همتیله آمال مخصوصه سنی بر کون ترویج ایده بیله جکنی
فهم ایلدی .

ایشته انسانک کندی اوزرنده اجرا ایلدیکی تجارب،
فلسفه نامنی المش و بوسوزی تأیید ایدن حکمای غریبه دن
بری دخی :

« فلسفه یی سورم ، چونکه انسانیتی اعلا ایدر ! »
دیمشدر .

فلسفه حقنده بیان ایتدیگمز شو بر قاچ سوز، اولکی
مطالعائی نقض ایدیور ظن اولنسون !

او وقتلر ، احتیاجات بشریه قعر دریاده کز مک ؛
بالونرله استکشافاته دوام ایتمک موفقیتنی آرزو ایتدیره جک
هیچ بر لزوم حس اولنماشدی .

او صروده فلسفه ، یالکز احوال بشریه دن باحث
بولنیوردی .

هرنه حال ایسه انسان، احوال بشریه مجربه سنی
خارجه تطبیق ایتمک ایستدیکندن طبیعتله ده مو انست پیدا
ایتمک شرفنه مظهر اولدی .

تجارب مشهوده مزله ده مثبتدر که استفاده ایدیله جک

انسان او حالندده متأثر اولوب شو قدرکه سنوحات
قلیه‌سنی تصویردن عاجز ایدی ، بعض تأثراتک نه شکایتی
ونه کوز یا شلری وارددر .

* *

قدمادن سقراطک «سن سنی بیل» معناسنه اولان
Tvōthi σ, αὐτόν قول مشهوری حقیقه بر حکمت مجربه
بشر اطلاقه سزاوارددر .

نوع بنی بشر، کره ارضی اسکان ایدر ایتمز اولا
کندی شکل غریبه تعجب ایتمش وینه‌کندی احوالی تدقیقه
باشلامشدر .

انسان، بر چوق سینه‌لر - شمدیکی کبی - اویله بر
طاقم حقائق اشیایی مدققانه تحری ایله توغل‌ایده‌جک قدر
نه شدت ذکایه و نه جودت افکاره مالک دکل ایدی .

نظر حیرت‌نک معطوف بولندینی نقطه‌یی فرق وتمیز
ایده‌بیلک آرزوسبله اجزای کائناتک بر ذره‌سنی بیله نگاه
ابتصارینه المق الیستیوردی .

یالکز بو وجهله تعمیق فکر ایدن انسان ، فیاض
مطلقک کندیسنه بنخشایش آلهیسی اولان خصائل متمیزه‌سی

شمدی او انسانك شعر كې روحه عائد خصائص
 بدیعہ بی فصل برسوق ایله کسب ایتمش، شاعر اولمش
 حقیقتلرینی برر برر شرحه باشلایلم :

بو تشہیر گاہ مکوناتی تماشا ایله آثار تحیردن غیری
 نہیہ مالک اولیورز؟ یاخود مصنوعات قدرتی بوقدر سنہلر-
 دنبری تقلیدہ چالیشان جهان معرفت، مناظر طبیعیہ دن
 هانکی برینی تصویرده بر اقتدار فوق العاده کویستره
 یلشد.

اك مشهور رساملك لوايحه دقت بيورلسون طبعی
 برکوزللیکن اثر کورلمز . فقط خلقتده موجود اولان
 محاسن و بدایع انسانی ارشاد و انطاقه هر حالده کافیدر .

ذاتاً شاطوبریانك تعبیری وجهله انسان، بوتماشاخانه
 فناده (موروهن) حکمدارانك مقابری اوجنه اوطورمش
 اسقویچالی شاعر اعمی (اوسیانه) بکزر : النی ظلال ایچنده
 برطرفه اوزاتسه اجساد اجدادینك برجزته تماس
 ایتدیرر! .

واقعا انسان ترقیات بشریه ، مکتسبات مدنیہ سی
 سایه سنده واصل مرتبه کمال اولمش و بهایمه مخصوص
 اولان اطوار و اوضاعنی کلیاً ترك و تبدیل ایلشد.

دها مهم بر بجه کله لم :

انسان بر حیوان ناطق ایش ..!

فی الحقیقه لسان، انسان ایچون برواسطه تمیزدر. فقط

فضائل انسانیه شرافت نطقیه ده انتها بولیور

نطق شرفدن محروم بولنش حیواناتک کندیله رینه

مخصوص اشاراتی اولسه کرکدر . بعض دفعه نطقه بدل

اشارت واقعدر .

مثلا بر تهله که حس ایدن بر حیوان، قولاقلرینی

حرکت ایتدیرمکله همجنسنی بو حالدن خبردار ایدیور .

بو حالده (آدم اوغلانی) تعریف ایدرکن بر (حیوان

ناطق) در دیمکدن ایسه نطقه بدل (محق) تعیرینی استعمال

ایتمک اولادر .

زیرا انسانی حال اهمیتدن تفریق و تمیزه مدار

لساندن غیرى مزیاتی یوقیدر . از جمله انسان شکلیله ده

انساندر . بو حالده انسان شکلیله، فکریله انساندر تعیرینی

شایان ترجیحدر .

بوسوزلری سولمکدن مقصدم حیوانک ولو نطقیه ده

اولسه مادام که فکرک مبنای علمی ساحتدن محرومدر

مع مافیه ینه حیواندر حکمنی بیان ایتمکدر .

حکمدارانندن مشهور (بخت نصر) نامنه رکز اولنان
هیکل فتوحاتدن متولد بر دعوا اولدیغنی شدتلی و معمق
محاکمات ایله تعین ایدیور دیمک اولیور که لزومی حالنده؛
فلسفه نك آیهات، علم روح و اخلاق کبی اقسامندن منطق
و صنایع نفیسه ادبیه دن یالکز بلاغت احراز غلبات
ایده یلمشدر.

منطقك تأثیری عقله، بلاغتك قلبه اولدیغنی ادعا
ایدنلرك مطالعاتی مصیدر.

منطق یعنی قیاساتیه معتبردر. ضایع بشریه به متعلق
آثار مدنیه نك جمله سی هپ اوقیاسات سایه سنده ساحه کیر
بروز اولمشدر.

انکلتزلی (نبتون) انقلابات قریه بی بر جسمك انحطاطنه
قیاس ایدوب دوشونمکده ایکن بر المانك سقوطندن اجرام
سماویه منجذب قانونلرینی کشف ایتمشدر

بو بحثه ارتق شو جمله حکمیه ایله نهایت ویرم :
«فلسفه، افکارك معرفته قارش بر حرکتی اولوب بو
حرکتده اصول قیاسات ایله اجرا اولنور.»

دها غریبی شوالیه‌ک عالمی میدانہ چیقار چیقمرز هر
سینور «الحکم لمن غلب» حکمنی استحصال ایله رفع رایت
استقلال ایدر و (شاتوسی) داخلنده جهانگیر اولمغه
جالشیردی.

حالبوکه بوشاتولر صورت انتظام و عرصانجه برقلعه‌دن
اشاغی قالمز ایکن اوج درتیوز بهادرک نظارتی تحت‌ده
بولسوب دائماً محافظه اولنان ابوابی، بر راهبک آواز
خطابت اقناعیه‌سنه انشقاق دکل بردنبره کشاده اولوردی!
اسپانیا مظلومی کبی بیوک و مدھش بر طاقم حرکات
وحشیانه‌یی وجوده کتورن کلیسا آدملریدر.

ایشته اهل صلیب محارباتی اتناسنده دخی بر قاچ یوز
بیک صلیبیونی ارض فلسطینلره دکن مجلوب‌آسوق ایلیان قوۋ
کلام و یاخود تأثیر بلاغتدر که بو خصائلک همان جمله‌سی
ادبیاته عائددر.

حقیقۃ طوفاندن صکره فطرتہ عائد حادثات استثنا
ایدلدیکی حالده صحنۂ بشریتده هر کونا حرکات و انقلاباتی
وجوده کتورن تأثیر قوۋۋ کلامدر.

فلسفه ایسه بو کون اختلالات دولیه‌یی، اقوام سامیه

هندسه، علم نباتات و طبقات الارضهده مراجعت ايدر .
مقصد تأمين غلبه ايسه هر شیده تفريق جائز دکلدر .

مقصود اولان جهته کلهلم :

جمعیت بشريه مزك اك زياده ترقی ايتديكي بر زمان
قرون وسطا در . .

اقصای غربدن منتهای شرقه توجه ایدن اقوام و مملکت
نتایج کارزانه لری حالا باقیدر صد هزار تشکرکه او عمومی
حرکتلر، جمعیت بشريه مز ايچون موجب استفاده اولمشدر .
ادبیات ايسه پک بيوك فتوحاته مظهر اوله رق ترقی ايتمشدر
چونکه ايکي بيك سنه اقدم جمعیت نظرنده صنعت اقناعی يي
حائز اولان، اعظم و نوادر دن ويهوديلر، مصريلر، هندليزلر
عندنده کاهنلر، يونانس-تاتک اك بيوك خطيبلرندن معدود
ايدی .

سماده کی اجرام بی شماره باقوب حادثات واقعه و مستقبله
حقنده - صرف شارلاطانلق! - اعطای معلومات ايدنلر
تعزیز اولنوردی .

واقعا خلقده معذور ايدی . زیرا معارف بشريه لری
اوصرهده معابدهده سرسری راهبلر طرفندن نقل و حکایه
طريقيله ايدیلان نصايحندن عبارت بولنمشدر .

ایاوب : «عسکرلر! شو اهراملر اوزرندن سزی قرق
عصر تماشا ایدیور!..»

دیه خطابتده بولندیردینی کوریلور. دیمک که سوز
بعضاده طاشه قلب اولیور!..

بورالرینی بر طرف، ادبیاتک اقسام متممہ سندن بولنان
تنقید یالکز باشلی باشنه بر فلسفه در.

فلسفه یی بوراده طبیعی (محب عقل) ک تعریفی وجهله
حقائق اشیایی تتبعدن عبارت اولمق اوزره قبول ایدرز.
اگرچه احمد مدحت افندی (فیناغور) ک بوتعریفلری
نه جرح ونه قبول ایتیمورلرسده قطعی بر مطالعه ده بیان
ایتمدیلر، فقط بر المان حکیمک حکمت جدیدہ سنی تنقیداً
یازدقلری رساله ده :

«شرقدہ، غریبہ فیلسوفی یعنی حکمت ایچون یابیش
اولان تعریفلری خیر ایدر ایسه ک بوندن حقیقه جق خلاصہ
هرشیمک، هر حکمک طوغریسی اوله بیلور.» بیوریورلرکه
هرشیمک، هر حکمک طوغریسنی استحصال ایچون ینه تتبعات
عمیقہ یه مجبور اولنه جفی وارسته اشتباهدر.

اربابنه معلومدرکه وحدانیتہ دائر ایدیالان مباحثات
آره سنده انسان، بعضاً تاریخ طبیعی، حکمت طبیعیہ دن ماعدا

فلسفه کی افکار بشر له ظهور ایلدیکنه و فلسفه دن دها پارلاق مظفریتلر احرارز ایتدیکنه منصفانه دقت ایده جک اولنورسه ادبیاتک فلسفه نك بر جزوی اولیوب بلکه فلسفه قدر بر عالم معرفت دیگر اولدینی اکلاشیلور.

ادبیاته تعلق ایدن بر سوزی مثلاً بر شعر انفسی هر لسانک بدایع پرستانی استخسان ایده بیلور.

باخصوص: «سوز»

او بر رسام بدایعدر: بیک درلو خیالی لوحه لر اوزرینه بیک درلو نظری الوان ایله — محاسن طبیعتدن هانکیسنه اولسه — بر صورت ویرر. حتی تمثاللرینی عکس مشخص کی معدوم ایکن موجود کوسترر. فقط کندی تصویر ایتک ایستدجه یالکر ظواهرینی تجسم ایتدیره بیلور معنویاتی ینه بولندیغی عالم بالای استتارده منزوی قالیر! «واقعا سوز، بعضاً بر موجودک شهرت و ماهیتنی بیان و اخطاره بر قوش، بر ارسلان پنجه سیله باشلیه رق — کندی مزیتک تعریفندن بحق عاجز قالدیغنی — ظن ایتدیرر؛ فقط صحرا لر میاننده طاعون بلا کی ترقی ایتمکده بولنان ... عسکرینی ده پیش جلالنده قوماندانلریله برابر توقیف

مزيات خلقیه نك مریسی اولان وجدانی برکنجینه
معرفت الله ایدن ینه ادبیاتدر .

ادبیات، برده میزان ذکای بشردرکه برملتک ترقیات
مدنیه و کمالات انسانیه سی انکله تعیین ایدیلور .

برقومک مشکور المآثرینی تاریخک شرف ابدیتنه الحاق
ایلیان ادبیات دکلیدر ؟ !

شمدی ادبیاتک نه وجهله ظهور و ترقی ایتمش اولدینی
سؤالی بزم ایچون حل اولنه حق بر مسئلهدر . بشریتک
مبادی ظهورندن نقل وقایعه باشلایهلم :

ماضی یه ارجاع نظر ایدنجه انسانک چشم بصیرتی
روزکاردن آچیش ایکی یاراعه مصادف اولور . بو ایکی
یپراق اوزرنده برحکومتک وقایعی ؛ برملتک مآثر مدنیه
وسائر سی مندرج بولنورکه ایشته فلسفه کبی بیوک درس لر
بوراده اوقونمغه باشلار .

ادبیات فلسفه کبی افکار بشرله ظهور ایدوب ترقی
ایتمشدر .

بو بایده . . . افندی ایله جریان ایدن مباحثات اره -
سنده : « ادبیات، فلسفه نك برجزئیدر » دینلشیدی . تتبعاتم
بو تعریفک اهمیتی نظرمدن اسقاط ایلدور . زیرا ادبیاتک

ادب ايسه معناً ادبك مصدر انتشارى ادبياتدر دينيله -
بيلير...

برده اتحاد مدنيت هر ملتك بر شخص مثال ذى
حياتيدر كه لسانى ادبياتدر. اوجهتله ادبياتسز ملت ديلسز
حيوان قينلندن اولور...»

كالم بلك بو منقح تعريفليله ادبياتك محسناتى
ينه تحديد ايدلاماش اوليور. چونكه صرهسى كليرسه
كوريله جكدركه بو كون اك مهم محث، ادبياتدر؛ انك
اهميتنى اكلامق ايسه هرمنتسب ادب اولانه لازمدر.

ايسته بز، انك درجه الزميتنى تعيين ايجون ادبياتك
اولياتنه طوغرى ارجاع نظر ايتدك.

اوت، بر جمعيتك اساس بقاسى، بر فكرك تعالى اصالتى
ماده دكل معناً تأمين ايديلور. سجايى بشرية فطريه مزك
منبعى وجدان و وجدان ايسه جهان معموريتيه بدل بر عطيه
آلهيه در كه اك كريم افعال و محاسنك محفظه علائقى مقامنده در.
وجدانى تربيه ايدن ادبيات و تعبير ديكرله ادبدر.
تربيه ايسه معلومدر كه نضارت دائميه مالك جمعيتك بر
اشكوفه عصمتى كيدز.

﴿ حکمت ادبیه ﴾

بر دفعه ادبیاتك بزرده بش اون سنه دن و اوروپاده
 اوج درت عصر دنبری کسب ایتدیکی اهمیت مهمه سنی
 تسلیم ایله کمال بك افندیك آتیده کی مطالعه حکیمانه لرینه
 عطف لحاظه دقت ایدلم، ماضع لیهك علویت حقیقه سنی
 ینه صفحه علیاده ابقا ایلیه جك نظر لر مزده بر قوت امعان
 پیدا اولدیغنی حس ایدرز.

او حالده ایسه «ا کلامق ایچون او قومق غیر کافیدر»
 فکر سقیمه رغماً نظر ذی ابتصار مزده بر شموله تدقیق،
 بر آرزوی مطالعه منجلی اولدیغنی کورور واکلامق املنده
 بولنیلان بحثی کتابك دها ایلك سطر لر نده فهم ایله شوق
 وغیرت مطالعه مز طبعی مزداد اولور. ایشته او مطالعه :
 «... سوزك احوال و جدانیه نی تحویلده اولان
 تأثیر بلیغنه مبنی بر بیوک فائده سی دخی ملتك حسن تربیتته
 خدمتیدر که حقیقت حالده لفظاً ادبیاتك مأخذ اشتقاقی

افادہٴ مراسم:

مفصل بر مقدمہ یا زمق املندہ بولندم؛ کوردم کہ
کتابم بر مقدمہ دن عبارت قالمش. برده اسمی ایله
مندرجاتی بینندہ بیوک برفرق واردر. نہ یاپہلم؛ ارباب
مواخذہ ایله کورشمکہ بلکه بروسیله اولور.....

محمد زیور




PN

45

25

شرکت مرتبیه مطبعه و کتابخانه‌سی — باب عالی جاده‌سندھ
نومرو ۵۲




حکمت ادب

محرری :

محمد زیور

صاحبی : رشاد

معارف نظارت جلیله سنک رخصتیلہ طبع اولنمشدر



استانبول

(آ. ماویان) شرکت مرتبہ مطبعہ سی — باب عالی جادہ سی نومرو ۵۲

۱۳۰۵

2489



**PLEASE DO NOT REMOVE
CARDS OR SLIPS FROM THIS POCKET**

UNIVERSITY OF TORONTO LIBRARY

PN
45
Z5

Ziver, Mehmed
Hikmet-i edebiye

